

註 眾賢各任其職則不待人人提耳而教矣

純心要矣用賢急焉

註 心不純則不能用賢不用賢則無以宣化

禮樂第十三

禮理也樂和也

註 禮陰也樂陽也

陰陽理而後和君君臣臣父父子子兄弟弟夫夫婦婦萬物各得其理然後和故禮先而樂後

註 此定之以中正仁義而主靜之意程子論敬則自然和樂亦此理也學者不知持敬而務為和樂鮮不流於慢者

務實第十四

道藏輯要

通書

十

二星集七

實勝善也名勝恥也故君子進德修業孳孳不息務實勝也德業有未著則恐恐然畏人知遠恥也小人則偽而已故君子日

休小人日憂

註 實修而無名勝之恥故休名勝而無實修之善故憂

愛敬第十五

有善不及

註 設問人或有人善而我不能及則如之何

日不及則學焉

註 答言當學其善而已

問曰有不善